

NORTHERN MARIANAS COLLEGE
ORAL HISTORY PROJECT
CNMI ARCHIVES

Date: July 27, 2000

Interviewer: Herbert Sablan Del Rosario

Interviewee: David Mangarero Sablan

Video Man: Isaac E. NgirBabul

Transcriber: Nomi Lifoifo Kosaka

Introduction: Okay hafa adai yan Buenas Dias, Pago na haane Julio dia bienti setti, Huebes, sakan dos mit. Ya enkuenta de i Northern Marianas College, i Archives. Man huhuyong ham yan in rekokohi este siha na infotmations, ginen i tautauta siha. I man manietbe guine gi Comunidadta. Parehoha gi Gobietnamento yan i, yan i business na Community guine giya Marianas. Pues pago na haane malago yo na baihu chule este na oportunidad ya baihu extende un dangkulo na agradesimento. Yan Si Yuus maase para si Senot David M. Sablan. Guiya este uno gi tautauta giya Marianas ni dangkulo contribusionna gi comunidadta, Parehoha yan ayo siha diferentes na possision ni haman-tiene, man importante na possision siha guine gi gobietnamento gi various settor. Pues pago man hihita para u estoriaye hit ni este siha i expirensianna yan todo este siha na possision ni haman-tiene.

Q. 1 I primet na questiona, para baihu faisen hau pago na ogaan. Nu hafa possisionmo guine gi Compania yan kuantu tiempo esta un fachuchue este i Compania yan tododo i pumalo na compania ni un hatme, ya un fachuchue?

A. 1 I presente na puesto ni hu guguo guine, Guaho Presidenten este i Century Insurance Company Limited. Ma-apunta yo magi guine gimen otro na Compania niparehoha gai iyo. Mismo gai-iyo este i Century Insurance lokue, guiya lokue dueno ayi Compania ni hufachuchui antes. Nu guaho Presidenten este i Century Insurance Company Limited. Mato yo guinina na Compania gi Mayo gi mit nuebisentos nobientai nuebi. Nu hu-intensiona guine i para uma expand i business, i Insurance Business guato Guam, Manila, HongKong, Combodia, yan iya America. Nu en-nagui i matagoho para baihu chogue. Pues huhoguiye

Offesinan i Administration Saipan. A... i papana, si Elinor, Gai-
gi pago na machochocho gi CCA, gi bandan i Food Stamp. I papa
Elinor, Jennette, umasagua este yan tautau Guam si..i lahen Mesa.
Ya gaige pago na mamanaanage gi Simon Sanchez High School, uno gi
Cerified Teacher giya Guam. I papa Jennette, si Esther. Si Esther,
hagas na machochocho gi Central Office gi Education. Ya pago ha
resigna gue ya gaige pago na Domestic Engineer chechochona. Pago
i papana si Felix, guiya i Field Opperation Manager gi a Marianas
Visitor Bureau. Despues papa Felix si Luisa. Louis machochocho
lokue giDepartamenton i Education. Lau nuebo na maassign nu para
otro na chocho ya tihu sen komprende hafa ayo chechochona pago. I
papa Louis si a..Herbert. Si Herbert nu umueskuela gi University
of Hawaii as a Patalogies. Gaige pago na machochocho gi un Companian
Packing Company giya California. I papana si Elizabeth. umasagua
este yan tautau Saipanha. si Jim Ada,Lahen difunto Mayor. Ya gaige
na machochocho Record Office gi Doctor Torres Hospital. I papa
Elizabeth, si Agnes, gaige na machochocho gi Accounting Division
gi UIU Insurance Company. I papa Elizabeth (Agnes) si Fred, gaige
pago na umueskuekuela gi University of Guam, ya trabia ti uchago
buenti para uma gradua.Yai uttimo na lahe si Carlos, gaige na
umueskuekuela California University Freshno. En-nagui i summaring
i famagun siha yan mano nai man gaige..

Q. 4 Si Yuus maase Mr. Sablan. I Finenina na sueto ni parata kubre
pago na haane, i gi bandan i Administration i Chapanes. Este i
Education. Gi tiempon Chapanes nu sina un sanganne yo kau ma-edu-
ca hau yan kuantu klasi un gagcha na eskalera?

A, 4 I eskuelan Chapanes nu a...taimanoha yan pago na tiempo, i Gobietna-
menton Japones, nu umespapansor ayo. NU guaha dos na kategoria
gi Eskuelan Chapanes. I Uno mafananaan"Hunka" kumeke ilegna na
regular curriculum man mafananage gui, regular course. Guaha ma-
fananaan " Hoshuka" kumeke-ilegna ayo Hoshuka na para un practika
hau mas ni ayo i monhayan mafanague hau, kalan para un eyag mas
dididi, kalan ayo i advance course. Gi around 1939 ni ma implementa
uno mafananaan "Kindohoku Tai" para lalahiha ni man ma gradua gi
fifth. Nu..ta birahi tatte . I Honka tres anos ha. Gi antes na
tiempo ma pratitika na i mina tres anos makonsidera ni Chapanes

na esta suficienti para un huyong ni para un fan ayuda gi Comunidad. Lau ayo siha i man malago advance course, mafananaan Oshuka nu, guaha dos anos na course enau. Ya gigon magradua hau esta mas advance hau, sina esta ma emplea hau gi ofesina yan man latatkilo na lugat. Pot todo i eskuelan Chapanes gi regulat sinko anos na tiempo. Honka, tres anos, Oshuka dos anos. Despues gi 1939 gi anai kasi Septiembre na mes, ma emplementa ayo i mafananaan "Kindohokokai". I Kindohokokai mausa yi para taiguihi na tiempo, hihihot i geran i mundo, dos. Ya mafatinas ennau para ufan man ayuda i man hoben Chamorro siha puroha lalahe este siha, taya palauan. Para ufan man ayuda gi a asuntun Comunidad, yan ufan aayuda yan i Gobietnamenton Chapanes. enau gui muna managuaha ennau i Kindohokokai. Nu duranti i...guaho magradua yo gi todo hulo asta i Kindohokokai. Ya despues nai mafaisen yo nai para baihu saga, ya baihu fan ayuda gi mamanague gi eskuela. Pues sumaga yo ya man ayuda yo gi bandan i maestro siha na banda. Megai siha na taotao Saipan pago guaho tumutuhon gi First Grade.

Q. 5 NU guaha un hatsu taotaota man hamyo guenau na nu patte gi man manague, osino man manae nui pribilehio yan oportunidad para uma na latatkilo eskuelan niha?

A. 55 Nū a... i man sucesful na taotao giduranten ^{gi} i tiempom Chapanes alakuenta inaligau niha-ha.kadakuat. I Gobietnamento malago na u ayuda ayoha siha na famaguon i man sharp, ayo i man malate gi class, ayo ha enkokorage. Ya komo halie na kulan guaha potencial na para u leader gi man mamamaila ha-ayudahe. Lau i memegaina na taotao na estudianten i famaguon eskuela man ma sotta na para ufan huyong ya para ufan machocho nai gi halom i Comunidad. Pues gi halom ennau siha, tat komo, kumekeilegko na self-seek guiya umaligau maisa gui. Sa guaha otro eskuela gi sanhiyon, private school este, umueskuela yo lokue gui. Mafananaan Saipan Giyuku Private School este na sen tatkilo eskuelana i mamananague guihi yan i asaguana, man fluen gi fino Aliman, English, na guaho mismo hu-hungog ya ayigui man mato magi in primet lugat pot i para ufan ma-ayuda i taotao tano. Pues megai siha guihi man eskuela, na sina baihu enumerat unos kuantos. Baihu mention unos kuantos. Pot ihemplo si Mayor Sablan, umueskuela gui. Si Juan Blanco, si Vicenten Camacho, ayi i hagas Treasure guine. Si Antonion Camacho hagas

electrician, kada man mato enau ginen Japon man hanau guato gui.
Gi bandan Gupalau, si Juan Tagabuel, umueskuela gui. Puru man sharp na lalahe, si Doctor Palacios umueskuela gui, Akin Pitu oh tihutungo si Akin Pitu. Lau laguaha guine na taotao Saipan. Si Tomas tatan Justice De la Cruz i tatana, kalan ayigi geffena na yi sa mamananague esta guihe na lugat. Este siha na taotao man huyong ya man leaders gi despues gi tinituhon i Americano gi anai mato i Americano. En-nague siha na taotao man-nogue ya matohne. Siha Joeten en-nague siha.

- Q. 6 Okay. A...Ta birahit guato gi bandan Economia. Hafa mas dangkulo na Endustria hinasonmo gi tiempon Chapanes guine giya Marianas?
- A. 6 Nu a..man famaguon ham ya tientingo klaro hafa i economia kumekeileg-na economia. Lau i inhihigog gi eskuela ni man-mafananague ham gi halom i sais anos na tiempo. Man ma sagagane ham na i mas dangkulo na economia guine na tiempo, este i mamatinas Asukat, mananom tupo Yan mamatinas asukat. Man masangane ham guihe na tiempo na i fan-gualuan,pot ihemplo,este iya Saipan nu i mas klaro, nobientai tres pot sientto 93% matanunume. Nobientai tres pot sientto 93%. Enauha i dididi na kakalan taiguihe pago i tronkon hayo siha man mapoluye ni Gobietno para infotmasion i publiko. Nu i tronkon tagantagan pot ehemplo ma protetehe ni gobietno sa ti megai. Guihe na tiempo esta hayo taya pot enau na ma protetehe i tagantagan, kamachili, yan en-nau siha. Ya guaha ma disigna na lugat gikanai para ufan ma ta-nom.ennau siha na para munga na ufan ma patcha. Lau lodimas,tododo man matanunume. Na iMendioka i segundo na econmia. Nu a...pot i hemplo i tipoha solo. Ginen i alkohol ni malalagnos, ginen i asukat i tipo sufisiente para u-finahan i materiat i tronkon i tipo. Pago kana profit tododo, kana ganansia tododo i asuka ni humuyon, ya ma ma expopotta para Japon as ayo i mafananaan ni Americano Raw materials, ya tax free. Estake humalom giya Japon ni ma refine yi. Pues masaganen mame guihe na tiempo gi eskuela, manmafaganuen mame na i asukatha ni humuhuyong ginen este i Northern Marianas yan i maneska ha suplalai i megagaina gi Budget.i Trust Territory. Gi man...ayo i mafananaan nu "Nanyo este i Trust Territory gi Tiempon Chapanes.

- Q. 7 Buenti esta kulan nahon enau gi bandan economia. Hafa i mas mauusa na bandan transportation ayo i maalog i Land Transportation? Hafa mas ni taotaota ni Chamorro yan i Carolinias ma u-usa na klasen kareta

pat hafa?

- A. 7 I megegaina na man taotaota siha manasesetbe este i karetan guaka. Man mauudai gi kareta guaka, guaha lokue ayo i tai kareta ya mauudai gi tatalo guaka. Ya ni ..megai lokue man man gai bisikleta. En-nagui i mas manafaniesetbe na klasen trasportation. Pago para ayo siha i man suette dididi na familia ya man gai salape, ma-uusa ayo i public bus. Megai na public bus nu malalago gi entalo San Roque yan Chalan Kanoa. Anytime ti unoha, fanaan guaha kuarto, sinko na bus ya man malalago sin parat, kada ora on the time man mato.
- Q. 8 Guine gi bandan chocho, ma-emplea hau gi tiempon Chapanes?
- A. 8 Hungan. Taimanohag i husangan na despues de magradua yo, Sumaga yo eskuela ya mamanague yo gi low grade Sen empleau i gobietno yo gi Gobietnon Chapanes.
- Q. 9 Guaha un hatso taotaota man mantiene importante na possision gi tiempon Chapanes? I Gobietnamenton Chapanes?
- A. 9 Hungan Guaha ayi i man man guotha. Tat komo i Municipal level, i bandan Munisipat guaha ayo siha man maemplea directamente gihalom i Offesinan Chapanes. Lau i memegaina na empleau i gobietnamento man gaige gi Polisia. En-nague siha na taotao man mamumulan nu, mangaige gi polisia ya. Tat komo si Mr. Manuel Sablan, si Dedad. Esta tatkalom , si Tun Juan Buku mafananaan Juan Castro. En nague siha man tatkilo, Joaquin Guerrero Sablan Guerrero. En nague siha man tatkilo gi halom i polesia. Nu guaha lokue gi eskuela, tat komo si Nicolas Diaz, ayigui nu ma-classified na Teachers Aid, Si Marian Cheluho yan si Magdalenan cheluho man mama nague ennau siha komo man maestra, si Josen Castro siha. En nague siha man mamanague gi tiempon Chapane.
- Q. 10 I ottro na banda ni para ta pacha pago na haane, este i mas importante i tano nai. Este i bandan tano, gi hinasommo, Taimano i Chapanes na hachule, parehoha ha-atkila osino ha-fahan enau siha tano. Hafa na manera ha-uusa, hafa na condition osino contract pat o Notary Public, Hafa taimano na hamantiene i Chapanes este na tano. Ya sina un sagane yo dididi pot este na banda?
- A. 10 I imidiatamente despues de ma hatme ni Chapanes guine, Komo i resultan i geran mundo, numero uno, man halom i Chapanes guine

sa haline siha gi taten i, mafananaan guihe na tiempo i Legal De Nation.ma (Aliau) taallog. I Legal De Nations sumengquot i Chapanes guihe na tiempo ya gi anai man gegera giya Europa, Guiya ha hatme este magi gi mandaton i Gobietnamenton i Alemania. Pues hamantiene guine un tiempo, Lau membroha gi Legal De Nations esta i mit nuebe sientos trentai sais. Nu guihe na tiempo ti sina i Chapanes humahãã nanauha fanaan. mato i tiempon gera Mundo Segundo. Ti masediha i Chapanes na para ufan quot propedad guine magi komo i iyonna, sa ma-controrol ni i Lig of Nations. Masea bumasta i Chapanes ginen i League of Nations gi mit nuebesientos trentai sais, man repopotha halom gi Legal De Nations. Munana halomha Reports ya. Okay, lã hafa taimano nai humalom gi kanai niha i tano siha. Nu i Chapanes anai man mato magi siha, man adumididi magi. Los uttimos mu-megagagai. Durante enau na tiempo, ma-atkikila i tano gi man i natibo siha. Ya ginen enau man manananum yan ayi i manasesetbe i tano anakog na tiempo, ma-atkila nai, mafananaan enau arrendo. Nu guaha gui atkilon ma-atkila, yan guaha ayi i ma arenda. I arrenda ayo i long term. Ya en-nagui na guide manasesetbe gi naan i natibo siha, ya gi magahet i umatkikila i Chapanes.

- Q. 11 Nu hafa uttimonna ayo na tano i man ma-atkila osino man ma biendi yangin tilachi yo, guaha ilegna na man ma biendi nai? Before yan gi finagpo 1938, nu mu materiat ha ayo siha na documento?
- A. 11 Nu hususediha ginen machocho gi ofesinan i Mayorn Saipan, ya guiya nu sumasaunau guenau man man-endorce gi enau siha na tano. Lau i mmegaina atkilon.

Q. 12 Atkilon.

- A. 12 Atkilon, lau gi magahet ma biendi. Komo ma atkila mas ki benti anos tiempo, esta ma biendi, kalan mohon ma biendi esta, parehoha ma-arenda nda nai ma-aalog.

- Q. 13 Okay, i uttimo na na parata kubri pago na haane, este i ban-dan i World War II, i sigenti na gera nai i gera Dos. Kuantos anos hau anai gera iya Marianas gi 1944 anai man halom i Americano?

A. 13 Pagoha para baihu disi-ocho anos.

Q. 14 Hafa un hatsu mas guihe na gera?

- A. 14 Gi anai esta nu sumisigi magi, umihhot magi i tempo gi anai para u

halom i Americano, ginen i para u chonneg huyon i Chapanes ginen este na Isla giya Marianas. Nu i taotao siha man na-praragtis, man ma-fananague hafa tai mano man mamunog kimason. Nu guaha siha liqkio gi Public Hall gi giya Garapan, yan lokue man naahau siha yi, guaha siha ma organis nu neighborhood association, ya nutodo i infotmation mapega gi clip board, ya mana lililiku para infotmation todo i tao-tao. Taiguenau iyon niha machalapoponna i notisia siha na hafa ma susede. Nu i taotao siha ti man masagane ni mingahet, kau ma-pepedi i Chapanes pat man gagana. Taya tinigog mame guine na para baien fan man ayudaha yangin guaha kimason pat hafa siha, taiguenau siha. A...i sindalo siha sigiha ma-umenta magi guine na hanafan man-man ham. sa hafa. Hu ripara na nu megagai masea mano hau guato giya Saipan machuchudag sindalo. Ya i taotao siha man ma faisen na para ayo i happy labor ileg i Americano. Ufan machocho kon minagof ni para uma ayuda ayuda i gobietnamenton Chapanes ni para u monyi i Americano gi gera. Ya i famaguon manafan parra ginieskuela. Ma-huchom i eskuela ya ma-uusa ni sindalon Chapanes. Man ma-dulalag i taotao ginen i guma niha giya Garapan, sa para umanafan setbi ni sindalon Chapanes sa timan nahon guma ni sindalon Chapanes. Taiguenau na sinisede.

Q. 15 Guaha gi familial miyo iridau osino matai pot i resultan i gera?
A. 15 Nu guaha iridau, i tatan i asaguaho as Maria. I tatan i asaguaho as Antonion Magarero. Dinachi anai esta gaige gi campamenton i a Americano as makonneg ni Americano. Pues gi anai estaba gi campamento, i campamenton ni dinanchi ni balan Chapanes. Lau gracias adios na ti matai. Ya matai naturatha. Nu guaha siha gi familia ayi i man dinanchiha ya ti manhuyongha ginen i halom tano sa man dinanchi. Pues man mapoloha mano nai man dinanchi. I familiako, ayi i pot i hem-plo ginen hami na familia, graisas adios taya ni uno dinanchi, taya ni uno matai.

Q. 16 Mano nai man atug hamyo gi anai para u-gera?

A. 16 I finenina man estaba ham gi hilo i golf course, ti chago yan i goft course. Despues gi anai esta duru i bumbarment i batkon aire gi Junio dia onse. En move ham hulo gi Kanat Tabla. Ya ginen ayo anai esta mas dumuru gi anai esta para dia tressi, in mueri ham hulo gi man hanau ham hulo para ayi i mafananaan nu guaha guihe

un liyanta mafananaan gi fino Chamorro, gi hilo as Chargualf, Tun Josen Chargualaf. Ya ayo nai man attog ham todo.

Q. 17 Un chagi Lokue man ma-niaga gi Camp Susupi no? Ya sina nu un san-gane yo dididi pot i, sa kana kada sakan ma-sasagan pot este i marepitiha ayi speach ni mafatininas gi Liberation ni ma sasagan huyong na i Chamorro man ma sotta gi Camp Susupi. Sina un na. san-gane yo dididi pot enau?

A. 17 Hungan. Taiguine este na sinisede. Finenina yangin makon-ne i taotao gine i halom tano, mapolo naya gi ayi mafananaan procesing Camp. Marekonnose kau Chapanes pat Chamorro, Gupalao yan haye.hao yan todo na ma-documento. Despues de monhayan ya ma-clear inaanmo, ma move hao guato para i regulat na Campamento, mafananaan Camp Susupi. I Camp Susupi, guaha tres na clasen campo. Campon Chapanes, Campon Korean yan Campon Natibo. PUES i Campon Natibo kalan mas free. I movement guihi. Lau freeha to travel ayi i masea hafa sina un kanno man ma lilimitha lau ayi i mas free gi kinalamten mame. Lau hahasoha na guaha apracimety tinigoho guihe na tiempo, aprocimately 80 thousands na Militat guine giya Saipan. Ya achoka u seventeen thousands na prisionero man gagaige guihi luchan gi Camp Susupi, man ma-hatme ham yan piligro sa atman este na taotao nai ma dinggo i gima i:sindalon Americano ni ma-dinggo i guma niha. Pot enau na protection muna timan masede. PUES hususedi lokue,na guaho lokue Corporal encharnd ni estaba yo gi polisia. Na guaho machochocho yo gi papa i Sergon ni man dispoioni i maguadian i kada Campo. Ya en-na gui i kinemprenden mame muna man gaige ham guihe, Pot para bai-en na para i piniligron i sindalo ni man man aliligau famalauan yan hafkau siha, ya para munga na ufan halom. En-nagui muna man mamuebe poponle nos pot hafa. Man ma protetei. Despues de man mamuebe Luchan Chalan Kanoa. Lau ayi i masasagan tienga gi speech gi Fourth of July na masusede i Camp Susupi, ahe ti dinanche enau. Masusedi i masottan i kelat mababa i kelat ya ayi i ilegna free travel. Masusede este gi amano ayi i hagas ni CHalan Kanoa Dental Clinic, ayogui nai gaige gi talolo gi chalan. Ni si Mr. Elias Sablan, si tataho yan unos kuantos Admiranti man mato ginen Guam, Ya si siha umutut i kelat ya ilegna esta sina hamyo man huyong yan man hanao para i malago miyo. Esta ti piligro. Ayi gui i tutuhonna i Libittat ni ta selelebra pago, kada Fourth of July.

- Q. 18 Si Yuus maase pot i tiempo ni un na posible para baien re-cohe dididi na infotmasion ginen hago. En sen agradese este na oportunidad. Kau guaha malagomo para un sangan antes de baien o tahucom i programata pago na haane para i manmamaila siha na tiempo. I famaguon ni sina un dia sina ma usa este na documento na programa ni tafatitinas. Guaha malago hao para un sangan pot i tiempon Chapanes pat pago gi Americano, antes de uta hu-chom?
- A. 18 Esteha i imas hu-desesea, ya gracias adios membro yo gi language komision. Ya hudesesea na uma biba mona este i Language Komission ya umana tunas este i FinorChamorroyañumanandinanchi, sa megai na fino Chamorro siha ni ayo siha i nuebo na finatinas, ya mana-fan lache todo i hagas na fino Chamorro. Nu ti todo lau megai na fino Chamorro ni ayo i lachi mapronunciana. Pot i hemplo, i... baihu na claro este. Ayi i potput na leblo, siha ilegna na lotdod, i ottro talo, i dalalai, na i kanifes na papet, siha ilegna dalalai. Todo enau siha na linache guaha siha na tiempo. I segundo na malago yo na uma korihi i yaho na baihu lie taimano masusede giya Hawaai i naan i lugat umana fan bira tatte tododo, gi naanna antes de i gera, naannia tat komo putan flores, puntan muchot. Ti ayo pago na naan i Tanapag, achoka tiun tungo mano nai pumara. Tanapag. Tododo luchan Tanapag. Puntan Flores Tanapag todo ayo siha umana fan bira tatte. Fuera ayo siha na lugat i tat komo San Jose San Antonio, ni manma fanaan minaan i masniantos para ma comemorate enau siha na ma-niantos. Lau yangin sina uma bira tatte. Sa en-nagui nai sina man akkomprende hit yan i taotao hiyong lokue ni man mato magi. Uma usa ayo na naan taimano iya Hawaii. An mato hau guato tisina na unfatto guato ya un alog para iya Nuwano hau. Sa ayoha Nuwano naanna. Ya kontodo i taotao hiyong, ya ginen ayo nai man gagai respeto i taotao huyong gi taotao tano.
- Q. 18 Okay. Pues si Yuus maase talo, Mr. Sablan enkuenta de i taimanoha i tutuhon i Naan i Northern Marianas College. Nu in nae hau un dangkulo na si Yuus maase, pot i unna possible este na tiempo gi anai para baien interviewed pago na haane. Si hafa mas Si Yuus maase.
- A. 18 Okay.